

LAWATAN PEGAWAI PERHUBUNGAN SEKOLAH SEMPENA PROGRAM KEMPEN CEGAH JENAYAH DI SMK PANTAI, W.P LABUAN



Labuan, 13 Ogos 2025 – Program Cegah Jenayah di Sekolah ini merupakan anjuran Kelab Pencegahan Jenayah, SMK Pantai yang diselaraskan dengan pengisian ceramah pencegahan jenayah yang di sampaikan oleh PDRM IPD Labuan bagi memberi kesedaran kepada semua pelajar terhadap ancaman jenayah yang berlaku disekolah.

Ceramah ini telah disampaikan oleh ASP Kentnorten daripada Bahagian Pencegahan Jenayah Dan Keselamatan Komuniti dengan kolaborasi Pegawai Perhubungan Sekolah dan warga SMK Pantai sebagai pengisian program hari Ko kurikulum yang jatuh setiap hari Rabu. Sasaran pelajar

pada kali ini adalah dari 5 Pasukan Beruniform sekolah iaitu Kadet Remaja Sekolah, Pengakap, Kadet Polis, Kadet Bomba dan Bulan Sabit Merah.

Sumber berita : FB Polis Daerah Labuan









PELAPORAN MAKLUM BALAS MENTOR TAHUN 2025



Labuan, 14 Ogos 2025 – Sektor Psikologi dan Kaunseling, Jabatan Pendidikan Wilayah Persekutuan Labuan telah menganjurkan Program Pelaporan Maklum Balas Mentor bertempat di Bilik Mesyuarat Botanikal, JPWP Labuan. Program ini bertujuan memperkukuh hubungan mentor-menti dan menilai keberkesanan pelaksanaan program pementoran pada tahun 2025.

Program dimulakan dengan ucapan alu-aluan oleh Ketua Kaunselor Pendidikan Negeri, En. Sabdin bin Japarudin, yang menekankan kepentingan peranan mentor dalam membimbing perkembangan profesional menti. Seterusnya, Pn. Salihah binti Yusoff selaku penyelaras program menyampaikan taklimat yang memfokuskan kepada objektif, pencapaian semasa, dan hala tuju program mentor-menti,

sekali gus memberi gambaran jelas tentang keberkesanan pelaksanaannya.

Sorotan utama program ialah perkongsian daripada Johan Anugerah Pasangan Mentor dan Menti Terbaik peringkat Kementerian Pendidikan Malaysia (KPM) 2025, iaitu Pn. NorAzimah binti Yaacob dan Pn. Siti Zulaiha binti Khalid. Kedua-duanya berkongsi pengalaman, strategi berkesan, dan amalan terbaik yang telah membawa kejayaan mereka di peringkat kementerian.

Program diteruskan dengan sesi maklum balas daripada setiap mentor yang hadir, bagi berkongsi pandangan, cadangan penambahbaikan, serta refleksi keberkesanan program ini. Majlis berakhir dengan sesi penutup ringkas dan penghargaan kepada semua yang terlibat.

[#MalaysiaMADANI](#)

[#MADANIBekerja](#)

[#RancakkanMADANI](#)

[#spskjpwpl](#)

[#jpwpl](#)

[#LabuanBISAI](#)

[#100peratuskitapunya](#)





**Majlis Penyerahan Bendera
Kontinjen Olahraga Majlis
Sukan Sekolah Wilayah
Persekutuan Labuan (MSSWPL)
ke Kejohanan Majlis Sukan**

Sekolah Malaysia (MSSM) 2025



Labuan, 14 Ogos 2025 – Majlis Penyerahan Bendera Kontinjen Olahraga Majlis Sukan Sekolah Wilayah Persekutuan Labuan (MSSWPL) ke Kejohanan Majlis Sukan Sekolah Malaysia (MSSM) 2025 telah berlangsung dengan jayanya di Pusat Kokurikulum Negeri, Labuan hari ini.

Majlis disempurnakan oleh Puan Noraini Binti Haji Sabudin, Timbalan Pengarah Pendidikan, Sektor Perancangan, Jabatan Pendidikan W.P. Labuan. Dalam ucapannya, beliau mengucapkan tahniah dan penghargaan kepada pegawai sukan, jurulatih, guru-guru serta atlet yang telah menunjukkan komitmen tinggi dalam persiapan kejohanan yang dijadualkan berlangsung di Perlis pada 17 hingga 24 Ogos 2025.

Kontinjen Labuan terdiri daripada 26 atlet dan 9 guru pengiring yang akan bertanding dalam kategori bawah 12,

15 dan 18 tahun. Puan Noraini turut menekankan kepentingan sukan dalam membentuk sahsiah dan disiplin pelajar selaras dengan Falsafah Pendidikan Kebangsaan.

Beliau juga memberi nasihat kepada para atlet supaya menjaga kesihatan, memotivasi diri dan menjaga imej serta semangat kesukanan sepanjang pertandingan. Majlis berakhir dengan ucapan selamat maju jaya kepada kontinjen agar membawa pulang kejayaan dan pingat buat W.P. Labuan. Labuan Bisai 100% kita punya!

[#spmjpwpl](#)

[#MalaysiaMADANI](#)

[#MADANIBekerja](#)

[#RancakkanMADANI](#)

[#jpwpl](#)

[#LabuanBISAI](#)

[#100peratuskitapunya](#)





Program Sekolah Bitara SPM 2025-Selangkah ke Menara Gading SMK Taman Perumahan Bedaun



LABUAN – SMK Taman Perumahan Bedaun (SMKTPB) telah mengadakan program sekolah bitara SPM 2025 ‘Selangkah ke Menara Gading’ dengan sasaran kepada calon SPM 2025 seramai 99 orang. Program ini telah diadakan selama 4 hari iaitu bermula 29 Julai sehingga 01 Ogos 2025 bertempat di Dewan Sri Timbalai, Pusat Koreksional WP Labuan dan Bilik Mesyuarat, SMK Taman Perumahan Bedaun.

Terdapat beberapa objektif program ini dijalankan selama dua tahun berturut-turut. Antaranya ialah membantu murid dalam kaedah dan teknik menjawab soalan SPM untuk mata pelajaran Bahasa Melayu, Sejarah, Bahasa Inggeris, Matematik, Pendidikan Islam, Pendidikan Moral, Sains dan Kimia.

Seterusnya, program ini diadakan agar dapat membina keyakinan diri kepada murid SPM 2025 bahawa mereka boleh mencapai kejayaan jika berusaha tanpa mengenal erti jemu

dengan cara menanamkan sikap positif, meningkatkan keyakinan diri, bekerjasama dan bersungguh-sungguh dalam pelajaran serta berwawasan. Di samping itu, objektif utama program ini dilaksanakan agar murid mampu mencapai keputusan yang lebih baik dalam SPM 2025 yang bakal menjelang tiba tidak lama lagi dan membantu meningkatkan prestasi serta penarafan sekolah khususnya dalam Standard Kualiti pendidikan Malaysia (SKPM). Malah, program ini juga dirancang untuk meningkatkan motivasi murid SPM 2025 agar sentiasa bersemangat tinggi dalam usaha mencapai kejayaan.

Terdapat pelbagai slot ataupun bengkel teknik menjawab telah dilaksanakan sepanjang 4 hari program tersebut berlangsung. Sepanjang program ini berlangsung, banyak perkongsian teknik menjawab soalan yang telah diberikan oleh penceramah-penceramah jemputan bagi mata pelajaran yang terlibat. Perkongsian Teknik menjawab SPM yang telah diberikan oleh para penceramah telah membantu murid untuk menggunakan peluang dan ruang yang ada bagi menjawab persoalan yang berkaitan dengan permasalahan yang berlegar di minda murid untuk mengetahui isi dan markah yang mencukupi dalam peperiksaan nanti. Teknik yang dikongsi ini juga akan membuka mata serta menggalakkan murid untuk memberikan isi dan jawapan yang cukup serta relevan dengan skema pemarkahan. Setiap slot bengkel teknik menjawab ini juga telah diisi dengan memberikan sijil penghargaan kepada peserta yang paling aktif dalam bengkel tersebut. Selain itu, unit bimbingan kaunseling sekolah juga telah mengambil peluang dengan mengadakan slot motivasi sebagai penyuntik semangat kepada semua calon SPM 2025 dengan menjemput penceramah dari Kota Kinabalu iaitu En Suif Sainan.

Majlis penutupan program ini telah disempurnakan oleh wakil Jabatan Pendidikan Wilayah Persekutuan Labuan selaku Penolong Pengarah Unit Sains Sosial, Sektor

Pembelajaran, Encik Mohd Reno bin Mohd Idris, turut hadir Penolong Komisioner Penjara Pusat Koreksional Labuan, tuan Tajudin bin Tunggal, dan Naib Yang Dipertua PIBG sekolah, encik Halmi bin Hussien. Setelah berakhirnya program ini, pihak sekolah khususnya akan terus membantu calon SPM 2025 tanpa henti untuk sama-sama memperolehi keputusan yang cemerlang sekali gus meningkatkan pencapaian SPM sekolah.

Sumber Berita : SMK Taman Perumahan Bedaun











Kembara Kokurikulum Generasi Madani Pasukan Badan Beruniform (PBB) Peringkat Antarabangsa 2025



Thailand, 3-7 Ogos 2025 – Seramai 18 orang murid Tingkatan 4 dari Malaysia bersama dua orang guru pengiring telah menyertai **Kembara Kokurikulum Generasi Madani Pasukan Badan Beruniform (PBB) Peringkat Antarabangsa 2025** yang berlangsung dari 3 hingga 7 Ogos 2025. Program yang penuh semangat ini telah diadakan di **Sangkhom Wittaya School**, Daerah Sadao, Songkhla, Thailand.

Kembara ini merupakan inisiatif yang dianjurkan oleh **Bahagian Sukan, Kokurikulum dan Kesenian (BSKK)** dan dikendalikan dengan jayanya oleh **Jabatan Pendidikan Negeri (JPN) Kedah**. Ia bertujuan untuk membina semangat

kerjasama dan pendedahan antarabangsa dalam kalangan peserta, selaras dengan aspirasi Generasi Madani.

Program ini telah menyaksikan penglibatan tiga buah negara serantau—**Malaysia, Thailand, dan Indonesia**—menjadikannya platform terbaik untuk pertukaran budaya dan ilmu antara para peserta. Menerusi pelbagai aktiviti yang diatur, murid-murid berpeluang untuk berinteraksi, berkongsi pengalaman, dan membina jaringan persahabatan yang melangkaui sempadan negara.

Kehadiran wakil dari tiga negara ini bukan sahaja memeriahkan program, malah turut memperkukuhkan hubungan bilateral dalam bidang kokurikulum dan pendidikan. Kembara ini diyakini telah memberikan pengalaman yang tidak ternilai kepada semua peserta, memupuk jati diri yang kukuh serta semangat kepimpinan dalam diri mereka.

[#spmjpwpl](#)

[#MalaysiaMADANI](#)

[#MADANIBekerja](#)

[#RancakkanMADANI](#)

[#jpwpl](#)

[#LabuanBISAI](#)

[#100peratuskitapunya](#)



LAWATAN PROGRAM KEMBARA ILMU SK SG BEDAUN KE LABUANfm



Labuan, 13 Ogos 2025 – Seramai 24 murid dari Sekolah Kebangsaan Sungai Bedaun telah mengadakan lawatan ke LABUANfm menerusi Program Kembara Ilmu yang diadakan hari ini.

Ia melibatkan murid Pembimbing Rakan Sebaya (PRS) dan SPBT sekolah berkenaan yang turut diiringi tiga guru pembimbing.

Rombongan disambut baik oleh Timbalan Pengarah Jabatan Penyiaran Negeri Wilayah Persekutuan Labuan, Howard Martin Kim Sung.

Sepanjang lawatan murid-murid diberi pendedahan tentang dunia penyiaran dan komunikasi massa secara lebih dekat.

Program selama setengah hari itu merangkumi sesi taklimat, lawatan ke studio radio dan televisyen, serta sesi interaktif bersama kakitangan RTM selain turut berpeluang menyaksikan secara langsung proses penyiaran berita serta pengendalian peralatan studio.

Menerusinya bukan sahaja dapat meningkatkan minat pelajar terhadap media, malah dapat memperkukuh pemahaman mereka terhadap aspek teknikal dan etika dalam dunia penyiaran. Pihak RTM turut mengalu-alukan kunjungan pendidikan seperti ini sebagai usaha mendidik generasi muda tentang kepentingan penyiaran yang beretika dan berinformasi.

Sumber Berita : FB BES Labuan









**Lawatan Kunjung Hormat
Ketua Nazir Negeri, Jemaah
Nazir Negeri Sabah Ke
Jabatan Pendidikan W.P
Labuan**



Labuan, 7 Ogos 2025 – Jabatan Pendidikan W.P. Labuan hari ini menerima lawatan kunjung hormat daripada delegasi Jemaah Nazir Negeri Sabah, yang diketuai oleh Ketua Nazir Negeri, Encik Ibnu bin Haji Jaani. Lawatan yang berlangsung di Bilik Mesyuarat Botanikal ini bertujuan untuk memperkukuh hubungan silaturrahim serta kerjasama strategik antara kedua-dua pihak.

Delegasi yang turut disertai oleh Timbalan Ketua Nazir Negeri dan dua orang Nazir Sekolah, memfokuskan perbincangan pada beberapa isu penting dalam dunia pendidikan. Antara topik utama yang disentuh ialah perkongsian maklumat mengenai instrumen **SKPM Kualiti@Sekolah (SK@S)**, sebuah alat penting dalam penilaian kualiti pengurusan sekolah.

[#sprjpwpl](#)

[#jpwpl](#)

[#LabuanBISAI](#)

[#100peratuskitapunya](#)



PENILAIAN SKPKP TAHUN 2025



Labuan, 8 Ogos 2025 – Sektor Psikologi dan Kaunseling, Jabatan Pendidikan Wilayah Persekutuan Labuan, telah menerima kunjungan dua orang pegawai dari Bahagian Psikologi dan Kaunseling, Kementerian Pendidikan Malaysia (KPM) bagi menjalankan Penilaian Standard Kualiti Perkhidmatan Kaunseling dan Psikologi (SKPKP) Tahun 2025.

Penilaian ini bertujuan memastikan perkhidmatan kaunseling dan psikologi yang disediakan mencapai piawaian kualiti yang ditetapkan oleh KPM, selaras dengan usaha meningkatkan keberkesanan sokongan psikososial kepada warga pendidikan di Labuan.

Keputusan penilaian telah diserahkan secara rasmi kepada Timbalan Pengarah Pendidikan, En. Yahya bin Ahmad Puteh, yang menjalankan tugas sebagai Pengarah Pendidikan Jabatan Pendidikan WP Labuan.

Pihak Sektor Psikologi dan Kaunseling mengucapkan penghargaan kepada Bahagian Psikologi dan Kaunseling KPM

atas kerjasama serta panduan yang diberikan, dan bertekad untuk terus menambah baik mutu perkhidmatan bagi memenuhi keperluan warga Jabatan Pendidikan WP Labuan.

[#MalaysiaMADANI](#)

[#MADANIBekerja](#)

[#RancakkanMADANI](#)

[#spskjpwp1](#)

[#jpwp1](#)

[#LabuanBISAI](#)

[#100peratuskitapunya](#)





Kunjungan Jabatan Kebajikan Masyarakat Labuan



Labuan, 11 Ogos 2025 – Jabatan Pendidikan Labuan telah menerima kunjungan daripada Jabatan Kebajikan Masyarakat Labuan. Kunjungan ini bertujuan untuk membincangkan program-program dan aktiviti antara kedua-dua jabatan berkenaan.

Rombongan ini telah disambut oleh Yahya Ahmad Puteh, Timbalan Pengarah Pendidikan menjalankan tugas Pengarah Pendidikan. Manakala, rombongan dari Jabatan Kebajikan Masyarakat diketuai oleh Puan Nur Syahiera DS Shuib yang mengetuai Jabatan Pembangunan Kanak-Kanak WP Labuan.

Turut hadir ialah Tuan Haji Sawal Salleh, Timbalan Pengarah Pendidikan Sektor Pengurusan Sekolah dan En.Awang Marten Datuk Haji Abdul Rahman, Timbalan Pengarah Pendidikan Sektor Pembangunan Murid.

[#MalaysiaMADANI](#)
[#MADANIBekerja](#)
[#RancakkanMADANI](#)
[#jpwpl](#)
[#LabuanBISAI](#)
[#100peratuskitapunya](#)

**Kunjung Hormat Jabatan
Pendidikan Labuan ke
Pejabat Timbalan Pengerusi
Perbadanan Labuan**



Labuan, 11 Ogos 2025 – Jabatan Pendidikan Labuan telah mengadakan Kunjung Hormat ke Pejabat Timbalan Pengerusi Perbadanan Labuan, Tuan Simsudin Bin Sidek. Kunjung hormat tersebut diketuai oleh Yahya Ahmad Puteh, Timbalan Pengarah Pendidikan Sektor Pembelajaran yang menjalankan tugas sebagai Pengarah Pendidikan.

Turut hadir ialah Tuan Haji Sawal Salleh, Timbalan Pengarah Sektor Pengurusan Sekolah, En. Awang Marten Bin Datuk Haji Abdul Rahman, Timbalan Pengarah Pendidikan Sektor Pembangunan murid dan pegawai-pegawai dari Sektor Pembelajaran, Sektor Perancangan serta Sektor Infrastruktur dan Perolehan. Manakala, En.Fadzillah Hj Mahmud, Timbalan Ketua Pegawai Eksekutif Perbadanan Labuan turut bersama-sama dalam kunjungan hormat tersebut.

Kunjungan hormat ini bertujuan untuk membincangkan pembangunan pendidikan yang sedang giat dilaksanakan meliputi kemudahan-kemudahan dan prasarana pendidikan. Dalam kunjung hormat itu juga turut dibincangkan perkembangan prestasi dan pencapaian pendidikan dari segi pembangunan profesionlisme guru serta pemantapan jaringan dan jalinan sektor pendidikan dengan agensi-agensi luar.

[#MalaysiaMADANI](#)
[#MADANIBekerja](#)
[#RancakkanMADANI](#)
[#jpwpl](#)
[#LabuanBISAI](#)
[#100peratuskitapunya](#)







